



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

«13» 09 2016թ. № 51650

0010 Երևան, Վ. Սարգսյան 3/8, հեռ. /010/ 59-41-40

**«1915 ՑԵՂԱՍՊԱՆՈՒԹՅԱՆ» ՀԻՄՆԱԴՐԱՄԻ
ՏՆՕՐԵՆԻ Ժ/Պ ԱՐՄԱՆ ՈՍԿԱՆՅԱՆԻՆ**
(Բ. ԻՋԵՎԱՆ, ՄԵՏԱՂԱԳՈՐԾՆԵՐԻ ՓՈՂ., 2-ՐԴ ՆՐԲ.)

Հարգելի պարոն Ոսկանյան

Տեղեկացվում է, որ ՀՀ ԱՆ աշխատակազմի օրինականության վերահսկողության տեսչության պետի կողմից 13.09.2016թ.-ին ընդունվել է որոշում՝ «Վարչական տույժ նշանակելու մասին»:

Ղեկավարվելով Վարչական իրավախախտումների վերաբերյալ ՀՀ օրենսգրքի 283-րդ հոդվածով՝ Ձեզ է ուղարկվում ՀՀ ԱՆ աշխատակազմի օրինականության վերահսկողության տեսչության պետի 2016թ.-ի սեպտեմբերի 13-ի «Վարչական տույժ նշանակելու մասին» որոշումը:

Առդիր՝ 3 թերթ:

**ՀԱՐԳԱՆՔՈՎ՝
ՉՈՐՐՈՐԴ ԲԱԺՆԻ ՊԵՏ**

ԷՄԻՆ ԱԲԳԱՐՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍԶՈՒԹՅՈՒՆ**

0010 Երևան, Վ. Սարգսյան 3/8, հեռ. /010/ 59-41-41

ՈՐՈՇՈՒՄ

Վարչական տույժ նշանակելու մասին

13.09.2016թ.

ք.Երևան

ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով «1915 ցեղասպանության» հիմնադրամի (գրանցման համար՝ 222.160.771647, (այսուհետ՝ Հիմնադրամ) տնօրենի ժ/պ Արման Ոսկանյանի կողմից Տեսչության պետի՝ վարչական տույժ «Նախագգուշացում» կիրառելու մասին որոշման պահանջը չկատարելու կապակցությամբ 18.08.2016թ.-ին հարուցված վարչական վարույթի նյութերը.

ՊԱՐԶԵՑԻ

Տեսչության պետի 10.06.2016թ.-ի որոշմամբ Հիմնադրամի տնօրենի ժ/պ Արման Ոսկանյանի նկատմամբ «Հիմնադրամների մասին» ՀՀ օրենքի (այսուհետ՝ Օրենք) 39-րդ հոդվածի պահանջները չկատարելու համար, համաձայն՝ Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169¹⁸-րդ հոդվածի 1-ին պարբերության, նշանակվել է վարչական տույժ՝ «Նախագգուշացում»: Նույն որոշմամբ Հիմնադրամի տնօրենի ժ/պ Արման Ոսկանյանը նախագգուշացվել է նաև, որ վերջինս պարտավոր է որոշումն ստանալու օրվանից երեսուն օրվա ընթացքում ՀՀ արդարադատության նախարարի 2009թ. դեկտեմբերի 24-ի թիվ 319-Ն հրամանով (այսուհետ՝ Հրաման) սահմանված կարգով՝ Հիմնադրամի 2015թ. գործունեության մասին հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (այսուհետ՝ www.azdarar.am կայք) և այդ մասին ծանուցել Տեսչությանը:

Տեսչության պետի 10.06.2016թ.-ի վարչական տույժ՝ «Նախագգուշացում» կիրառելու մասին որոշումը Հիմնադրամին ի դեմս տնօրենի ժ/պ Արման Ոսկանյանի ուղարկվել է 13.06.2016թ.-ին, սակայն ծանուցումը 22.06.2016թ.-ին հետ է վերադարձել «տեղափոխված» գրառմամբ: Արման Ոսկանյանի համաձայնությամբ վերը նշված որոշումը 15.07.2016թ.-ին

նույնպես է վերջինիս էլ.փոստին (arman_voskanyan@yahoo.com) և նույն օրվա ամսաթվով որոշումը ստանալու մասին հավաստվել է, սակայն ստացման օրվանից հաշվարկված երեսուն օրվա ընթացքում Հիմնադրամի 2015թ. գործունեության մասին հաշվետվությունն օրենքով սահմանված կարգով և ժամկետներում չի հրապարակվել:

Տեսչության պետի կողմից 18.08.2016թ.-ին հարուցված վարչական վարույթի շրջանակներում Օրենսգրքի 255-րդ հոդվածով նախատեսված վարչական իրավախախտում կատարելու մասին արձանագրություն կազմելու նպատակով Հիմնադրամի տնօրենի ժ/պ Արման Ոսկանյանը հրավիրվել է Տեսչություն, սակայն գործի քննության ժամանակի և վայրի մասին պատշաճ ծանուցված լինելով, վերջինս չի ներկայացել լուսմներին: Արման Ոսկանյանը էլ.փոստի միջոցով վարույթ իրականացնողին հայտնել է, որ Հայաստանում չի գտնվում, այդ իսկ պատճառով չի կարող մասնակցել լուսմներին: Վերջինս հայտնել է նաև, որ Հիմնադրամը չի գործում և հոգաբարձուների ձևավորված խորհուրդ չունի, ինչից ելնելով չի կարող հաշվետվություն հրապարակել:

Նշվածից ելնելով հարկ է նշել, որ «Վարչարարության հիմունքների և վարչական վարույթի մասին» ՀՀ օրենքի 23-րդ հոդվածի 1-ին մասի համաձայն՝ «Վարչական վարույթում վարույթի մասնակիցները կարող են մասնակցել ինքնուրույն, իրենց **ներկայացուցիչների միջոցով** կամ նրանց հետ միասին»: Տվյալ դեպքում Արման Ոսկանյանի Հայաստանում չգտնվելը որևէ ձևով չի խոչընդոտում ներկայացուցչի միջոցով վարչական վարույթում հանդես գալու համար: Ներկայացուցիչ ունենալը վարույթի մասնակիցների իրավունքն է:

Ինչ վերաբերում է Հիմնադրամի չգործելուն և հոգաբարձուների խորհուրդ չունենալուն, ապա հարկ է նշել, որ Օրենքի 23-րդ հոդվածի 1-ին մասի համաձայն՝ «.... Հոգաբարձուների խորհրդի առաջին կազմի անդամների լիազորություններն սկսվում են հիմնադրամի պետական գրանցումից հետո՝ եռամսյա ժամկետը լրանալու հաջորդ օրվանից, իսկ եթե նշանակվել են հիմնադրամի հոգաբարձուների խորհրդի բոլոր անդամները, ապա դրա հաջորդ օրվանից»: Նույն հոդվածի 3-րդ մասի համաձայն՝ «..... Հոգաբարձուների խորհրդի անդամի թափուր տեղ առաջանալու մասին տեղեկացված լինելու օրվանից ոչ ուշ, քան 10 օրվա ընթացքում **հիմնադրամի կառավարիչը տեղեկացնում է հիմնադիրներին, հոգաբարձուների խորհրդի անդամներին նշանակած անձանց կամ մարմիններին, հիմնադրամի մարմիններին**»: Տվյալ դեպքում Հիմնադրամի կառավարիչը (անկախ նրանից տնօրենի ժամանակավոր պաշտոնակատար է թե հիմնական)՝ Արման Ոսկանյանը, ով հանդիսանում է նաև Հիմնադրամի հիմնադիրը պարտավոր էր սահմանված ժամկետում

ձեռնարկել միջոցներ՝ հոգաբարձուների խորհուրդ ձևավորելու համար, կամ Օրենքի 23-րդ հոդվածի 7-րդ մասով սահմանված կարգով դիմել ՀՀ արդարադատության նախարարին՝ Հիմնադրամի հոգաբարձուների ժամանակավոր խորհուրդ ձևավորելու համար:

Այսպիսով, Հիմնադրամի տնօրենի ժ/պ Արման Ոսկանյանը օրենքով սահմանված իմպերատիվ պարտականությունը՝ Հիմնադրամի գործունեության հաշվետվության հրապարակումը չի կատարել, ինչը առաջացնում է վարչական պատասխանատվություն Օրենսգրքի 169¹⁸-րդ հոդվածի 2-րդ պարբերությամբ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 169¹⁸-րդ հոդվածի 2-րդ պարբերությամբ, 223¹-ին հոդվածով և 282-րդ հոդվածի 1-ին մասով.

ՈՐՈՇԵՑԻ

1. «1915 ցեղասպանության» հիմնադրամի տնօրենի ժ/պ Արման Ոսկանյանի (անձնագիր՝ AM0822440, հասցե՝ ք. Իջևան, Մետաղագործների փող. 2-րդ նրբ.) նկատմամբ նշանակել վարչական տուգանք՝ 50.000 ՀՀ դրամի չափով:

2. «1915 ցեղասպանության» հիմնադրամի տնօրենի ժ/պ Արման Ոսկանյանին նախազգուշացնել որոշումն ստանալու օրվանից **երեսուն օրվա** ընթացքում հիմնադրամի 2015թ. գործունեության մասին հաշվետվությունը հրապարակել www.azdarar.am կայքում և արդյունքների մասին ծանուցել Տեսչությանը՝ կից ներկայացնելով վարչական տույժի՝ ՀՀ պետական բյուջե (հաշվեհամար՝ 900005242111) վճարված լինելու հանգամանքը հիմնավորող փաստաթուղթը կամ դրա պատճենը:

3. Սույն որոշումն ուժի մեջ է մտնում վարույթի մասնակցին այն հանձնելուն հաջորդող օրվանից և կարող է բողոքարկվել վերադատության կարգով ՀՀ արդարադատության նախարարին երեսունօրյա ժամկետում կամ օրենքով սահմանված կարգով և ժամկետում ՀՀ վարչական դատարան:

ՏԵՍՉՈՒԹՅԱՆ ՊԵՏ՝



ՄԻՔԱՅԵԼ ՄԻՆԱՍՅԱՆ